



Verneområdestyret
Setesdal Vesthei,
Ryfylkeheiane og
Frafjordheiane

Postadresse
Postboks 504
4804 ARENDAL

Besøksadresse
Setesdalsmuseet Rysstad,
Setesdalsvegen 3273, 4748
Rysstad

Kontakt
Sentralbord: +47 37 01 75 00
Direkte: +47
fmavjth@statsforvalteren.no
www.svr.no

Frode Tvinde
Kåsinvegen 36
3801 BØ I TELEMARK

Saksbehandler Jørn Trygve Haug

Vår ref. 2021/7816-0
PRIMÆRKLASSERING

Deres ref.

Dato 04.10.2021

Melding om vedtak. Søknad om godkjenning av tiltak ved fritidsbustad i Hovden landskapsvernområde. Eigedom 1/249 i Bykle kommune.

Syner til søknad dagsett 12.9.2021. Arbeidsutvalet i verneområdestyret handsama saka i møte 1.10.2021, sak 51/21. Vedtak og saksframstilling ligg ved.

Klage

Vedtaket kan påklagast til Miljødirektoratet. Klaga skal sendast til verneområdestyret for vidare handsaming. Klagefristen er 3 veker frå mottak av vedtaket. Alle partar med klagerett har rett til innsyn i saksdokumenta. Skrifteleg klage skal sendast til Verneområdestyret for SVR Pb. 504 Stoa, 4804 ARENDAL. Oppgi kva for eit vedtak det vert klaga på, dei endringane klagar ynskjer og grunngjeving for klaga. Dersom det vert klaga så seint at det kan vere tvil om det er klaga i rett tid, må det opplysast når brevet kom fram.

Med helsing

Jørn Trygve Haug
verneområdeforvaltar SVR

Etter våre rutiner er dette brevet godkjent og sendt uten underskrift

Kopi til:

Statsforvalteren i Agder
Bykle kommune

Postboks 504 4804 ARENDAL
Sarvsvegen 14 4754 BYKLE



Arkivsaksnr: 2021/7816-4

Saksbehandler: Jørn Trygve Haug

Dato: 27.09.2021

Utvalg	Utvalgssak	Møtedato
AU i verneområdestyret for SVR	51/21	01.10.2021

Søknad om godkjenning av tiltak ved fritidsbustad i Hovden landskapsvernområde. 1/249 Frode Tvinde. Bykle kommune.

Vedlegg:

- 1 Søknad om tiltak
- 2 Situasjon etter tiltak
- 3 Utgreiing av tiltak
- 4 Situasjon før tiltak

Forvalters innstilling

Med heimel i naturmangfoldloven § 48 får Frode Tvinde løyve til å fylle på og planere ut massar vest for hytta på tomt 1/249 i Hovden landskapsvernområde. Løyvet gjeld for ei mindre mengde masse og over eit mindre areal enn det er søkt om. Arbeidet skal avgrensast til det som er strengt naudsynt for å sikre stabilitet på fundament på veranda og fritidsbustad. Eksisterande fyllingsfot og skråning må flyttast minimum ein meter nærmare fritidsbustaden.

Arbeidsutvalet legg vekt på at det vart etablert ei fylling/skråning vest for fritidsbustaden når tomta i si tid vart opparbeida og før området vart verna. Ei forsiktig utviding av denne vil vera lite synleg i landskapet og sikre stabilitet på fundament på bygningsdelane. Tiltaket vil ha liten påverknad på dreneringstilhøva på myrområdet vest for fritidsbustaden. Ut i frå faren for presedens er det likevel viktig at det ikkje vert tillate større utfylling kring bygningar i verneområdet. Forvaltningsmyndigheita må ta omsyn til sumeffektar av fleire små tiltak som over tid kan hole ut verneføremålet og verneverdiane.

Det vert sett følgjande vilkår for gjennomføring av tiltaket:

- Bruk av anleggsmaskiner for gjennomføring av tiltak skal berre skje innafor eksisterande inngrepssone.
- Skråning skal revegeterast naturleg
- Før igangsetting skal eksisterande fyllingsfot merkast med stolpar som vert ståande gjennom anleggsperioden.



- For gjennomføring av tiltaket må det også hentast inn løyve fra Bykle kommune.

Forvaltningssekretariatet skal ha melding straks arbeidet er avslutta. Løyvet gjeld fram til 1.10.2022.

Under føresetnad at tiltaket vert gjennomført som beskrive, og innan 1.10.2022, vil det ikkje vera aktuelt å krevje retting etter naturmangfoldloven § 69.

Når det gjeld tiltaka det er søkt om på eksisterande veranda og platting mot vest og sør kjem dette under vedlikehald som etter verneforskrifta kap. V pkt. 2 er tillate utan søknad.

Saksprotokoll i AU i verneområdestyret for SVR - 01.10.2021

Behandling i møte:

Forvalters innstilling enstemmig vedtatt.

Saksopplysninger

Ved ei synfaring i Hovden landskapsvernombordet kom forvaltar over eit større arbeid som var gjort kring ein fritidsbustad på eigedom 1/249 Frode Tvinde. Det var køyrd på ei større mengde masse kring fritidsbustaden. I tillegg verka plattingar på vest- og sørsida av fritidsbustaden å vera av nyare dato. Fritidsbustaden ligg rett vest for rv. 9. Nordleg del av fritidsbustaden med tomt ligg utanfor verneområdet. Sjå kart nedanfor.


Etter først å ha tala med eigar på telefon vart han i brev datert 9.9.2021 varsla om pålegg (retting) etter naturmangfoldloven § 69. I same brev vart det opplyst om at det er mogleg å søke godkjenning av gjennomførte tiltak, men at ein eventuell søknad må handsamast som om tiltaket ikkje alt er utført.

Eigar av fritidsbustaden har i brev datert 12.9.2021 gjort greie for dei gjennomførte tiltaka. Hytta vart kjøpt i 2015. For å sikre at veranda og grunnmur på vestsida av hytta skulle rase ut vart det flytt på eksisterande massar og fylt på meir masse vest for hytta. Skråninga mot vest var eit stygt sår i naturen og med store steinar som fort kunne rase ut. Veranda vart i tillegg senka ned på bakkenivå og rekkverk fjerna. Alle tiltak vurdert som naudsynt vedlikehald.

Mot nord, liggjande delvis utanfor verneområdet, vart det laga betre plass for parkering. Det vart også grave for å kople på vatn og avlaup inn på nordsida av fritidsbustaden. Dette liggjande utanfor verneområdet. Mot sør vart ein eldre platting bytta ut med ny i tilsvarende storleik.

Eigar har i brev datert 12.9.2021 søkt om godkjenning av dei gjennomførte tiltaka. Søknad, samt forklaring på dei gjennomførte tiltaka, ligg som vedlegg 1 – 4 i saka.

Plassering i høve til vernegrense for Hovden landskapsvernombordet (kjelde www.naturbase.no):



2

Beskriving av situasjonen før og etter gjennomførte tiltak

Ved hjelp av flyfoto og biletet teken på plassen har forvaltar laga ei framstilling av situasjonen før og etter at eigar tok over hytta i 2015. Bileta frå 22.9.2021 er teken av forvaltar. Bileta frå 2013 og 2016 er sendt inn av eigar. Flyfoto er henta frå www.naturbase.no.

Lengda på eksisterande fylling vest for fritidsbustaden er om lag 20 meter og med ei høgde frå 1,5 til 3 meter. Breidda målt frå kant av veranda og ut til fyllingsfot varierer frå 5 til 8,5 meter. Eit grovt overslag tilseier at det totalt er køyrd på 50 – 60 m³ masse. Ein monaleg del av fyllinga ligg som nemnd utanfor verneområdet.



Bilete teken 22.9.2021 (mot nord):



Bilete teken 22.9.2021 (mot sør-aust):





Bilete frå prospekt i 2013:




Bilete teken i 2016:





Flyfoto 2019. Raud line syner vernegrensa. Blå line syner eksisterande fyllingsfot:



Flyfoto 2012 med same blå og røde linje som flyfoto 2019 ovenfor.





Formell bakgrunn for vurdering og vedtak

- Forskrift om vern av Hovden landskapsvernombordet av 5.9.1986
- Naturmangfoldloven
- Forvaltningsplan for Hovden landskapsvernombordet, Vidmyr og Lislevatn naturreservat
- Vedtak i verneområdestyret 5.11.2018, sak 32/18, om delegering av saker til forvaltningssekretariatet og arbeidsutval.

Heimelsgrunnlag

Hovden landskapsvernombordet vart verna i 1986. Føremålet med landskapsvernombordet er jamfør verneforskrifta kap. III å ta vare på eit vakkert naturlandskap som er eineståande i sitt slag i fylket. I verneområdet finn ein store, samanhengjande myrområde, som til saman inneheld eit vidt spekter av myrtypar, og ein finn særmerkte spor frå siste istid som t.d. terrassar, daudisgropar og morenar. Både myrene og lausavsetningane er av stort verd for undervisning og forsking.

Av kapittel IV pkt. 1 går det fram at alle inngrep som vesentleg endrar karakteren til landskapet er forbodne, som t.d. oppføring av bygningar, anlegg og faste innretningar, opplag av båt, framføring av luftleidningar, jordkablar og kloakkledningar, bygging av vegar, drenering og annan form for tørrlegging, uttak, oppfylling, planering og lagring av masse, ny utføring av kloakk eller andre konsentrerte forureiningstilførslar, attlegging av avfall og bruk av kjemiske middel. Opplinga er ikkje fullestendig.

Etter forvaltar si vurdering er oppfylling og planering av masser på tomta, slik det er søkt om, av eit slikt omfang at det kjem inn under tiltak som jamfør verneforskrifta kap. IV pkt. 1 er forbode. Søknad om dispensasjon for tiltaket må handsamast etter naturmangfoldloven § 48. Etter denne paragrafen kan forvaltningsmyndigheita gjere unntak får verneverdiket om tiltaket ikkje stirr mot verneføremålet og ikkje kan påverke verneverdiane nemneverdig.

Når det gjeld tiltaka det er søkt om på eksisterande veranda og platting mot vest og sør kjem dette etter forvaltar si vurdering under vedlikehald som etter verneforskrifta kap. V pkt. 2 er tillate utan søknad.

Om det skal stillast krav om retting må dette skje etter § 69 i naturmangfoldloven. Det er verneområdestyret som i så fall må fatte eit slikt vedtak då dette ikkje er delegert vidare frå verneområdestyret.

Vurdering

Søknad om godkjenning av tiltak kytta til oppfylling og planering av massar må handsamast uavhengig av at tiltaka allereie er gjennomført.

Vurdering etter naturmangfoldloven §§ 8 - 12

Etter § 7 i Naturmangfaldlova skal dei miljørettslege prinsippa i §§ 8 til 12 leggast til grunn som retningslinjer ved utøving av offentleg myndighet. Forvaltningsmyndigheita må ved alle tiltak som vedkjem naturmangfaldet, vurdere søknadane etter desse paragrafane




Kunnskapsgrunnlaget (NML § 8)

Kunnskapen om naturmangfaldet i området er henta frå lokalkunnskap, gjeldande forvaltningsplanar, Miljødirektoratet sin naturbase (www.naturbase.no), database for sensitive artsdata samt frå NINA sitt GPS-merkeprosjekt. Kunnskap om kulturminne i området støtter seg på Riksantikvaren sin kulturminnebase (www.kulturminnesok.no)

Områda nord for Hovden aust for rv. 9 er viktige vinterbeiteområde for villrein. Nord for Hovden er det også viktige utvekslingsområde for villrein mellom Setesdal Austhei og Setesdal Ryfylke villreinområde. Kartet nedanfor syner trekkområda mellom aust og vest og er henta frå naturbasen. Trekkområdet nærmast Breidvatn ligg delvis i område med ferdselsforbod 25.4 – 31.5, jamfør verneforskrifta for Setesdal Vesthei Ryfylkeheiane landskapsvernombane

kap. 4 pkt. 4.1. Det har vore mindre utveksling av villrein mellom områda dei seinare åra. Dette heng truleg saman med infrastruktur og ferdsel i områda. Truleg har også relativt låg stammestorleik på austheia spela inn.

Trekkområda mellom aust- og vestheia merka med grøn skravur. Verna område merka med raud skravur. (kjelde www.naturbase.no). Aktuelle fritidsbustad er merka med blått punkt.



I Hovden landskapsvernombane varierer vegetasjonen frå rike bjørkeskogar og myrer til rabbar og heier ettersom høgda aukar. Langsmed bekpane er det rike næringstilhøve i jordsmonnet. Søterot er ei vanleg plante i dette området.

Dobbeltbekkasin er ved fleire høve observert i områda mellom Hovden og Breidvatn. Arten har status som nær truga i Norsk Raudliste.



Når det gjeld andre artar er det ikkje registrert informasjon om prioriterte artar, truga eller nær truga artar jfr. «Norsk rødliste» som vert råka av tiltaket. Det er heller ikkje registrert informasjon om utvalde naturtypar, truga eller nær truga naturtypar i aktuelle området.

På Hovden er det mange kulturminne knytt til utvinning av jern. Dette frå vikingtid og fram til midten av mellomalderen. Jamfør www.kulturminnesok.no er det inga lokalitetar nær aktuelle fritidsbustad.

Ut frå omtalen ovanfor vurderer ein kunnskapsgrunnlaget å vera tilstrekkeleg til å fatte vedtak i saka. «Føre var prinsippet» i NML § 9 vert difor tillagt mindre vekt i dei vidare vurderingane.

Økosystemtilnærming og samla belastning (NML § 10)

Det er mange fysiske inngrep i området i form av vegar, fritidsbustader, straumline, og reguleringsdammar. Dei mange fritidsbustadane frå Hovden og nordover fører også med seg mykje ferdsel gjennom store delar av året. Vinterstid vert det preparert skiløyper eit stykke nordover på austsida av rv. 9. Det samla belastninga frå infrastruktur og ferdsel vurderast som høg.

For å ta vare på attverande utvekslingsområder for villrein mellom aust- og vestheia må det vera ein streng praksis for kva som kan tillatast av byggetiltak i dette området. Sumeffektar av fleire små tiltak over tid er viktig i ein slik samanheng. .

Kostnadane ved miljøforringing skal berast av tiltakshavar og Miljøforsvarlege teknikkar og driftsmetodar (NML §§ 11 – 12)

Tiltakshavar er ansvarleg for å gjennomføre tiltaka på ei miljømessig god måte.

Vurdering etter naturmangfoldloven § 48

Etter denne paragrafen kan forvaltningsmyndigheten gjere unntak får vernevedtaket om tiltaket ikkje stirr mot verneføremålet og ikkje kan påverke verneverdiane nemneverdig.

I høve til verneføremålet er dei største negative effektane av tiltaket knytt til påfylling av massar på myr samt dei landskapsmessige effektane av ei relativt høg skråning.

Utfylling og planering av massar føre hytta slik det er søkt om, kan synast smått når det skjer som ei utviding av eksisterande tomt og rett ved andre tyngre tekniske inngrep. Samstundes er tiltaket av eit slikt omfang at det utan tvil er søknadspliktig etter verneforskrifta. Forvaltningsmyndigheten må også ta omsyn til sumeffektar av fleire små tiltak som over tid kan hole ut verneføremålet og verneverdiane.

Opparbeiding av tomt og bygging av fritidsbustaden vart gjort rett før området vart verna. Frå før vernet har det såleis vore ei fylling/skråning føre hytta. Ei meir forsiktig utviding av denne enn det det er søkt om vil vera lite synleg i landskapet og sikre stabilitet på fundament på bygningsdelane. Tiltaket vil ha liten påverknad på dreneringstilhøva på myrområdet vest for fritidsbustaden.

I Hovden landskapsvernombanen er det 8 – 10 andre hytter. Dei fleste av desse driftshusvære knytt til gardane. Forvaltar vurderer faren for presedensverkand til å vera liten. Spesielt for aktuelle sak er at hytta ligg rett ved rv. 9 og nær eit etablert hyttefelt utanfor verneområdet.



Utfyllinga og planeringa er i tillegg grunngjeven med å få sikra bygningsdelane mot setningsskadar og utgliding.

Ut i frå grunngjeving ovanfor vil ikkje tiltaket stri mot verneføremålet og påverke verneverdiane nemneverdig.

Konklusjon

Det vert gjeven løyve til utfylling og planering vest for fritidsbustaden men av eit mindre omfang enn det det er søkt om. Det vert sett vilkår for løyvet. Tiltaket vil med dette ikkje stri mot verneføremålet og påverke verneverdiane nemneverdig.